


# 幸曾盛典



		九	漢
	二	二	書
	七	七	門
一	二	七	
冊	架	函	號


庫文閣內			
九	九	漢	
二	二	書	
一	七		
架	冊	號	類

內閣文庫		
番號	漢	9217
冊數	12	(7)
函號	295	27

七








幸魯盛典卷二十

聖駕幸闕里頌

有序



經筵講官禮部右侍郎兼翰林院學士

臣

徐乾學

臣聞禮樂之祀百世不絕道藝之宗萬禩永守泗

水松楸之地殿接靈光稷門絲竹之堂里通歸德

玉弩載驚而後俎豆攸崇金書遞出以還牲牢無

闕我

皇上以神聖之姿致雍熙之治兩階樂正簫韶昭秉歷

之符三禮秩宗珪璧有成功之瑞山川協應日月

光華用徵肆覲之儀遂行時巡之舉於時星紀司



歷陽灰動管喬雲不散榮光竟天駐蹕之亭翼如  
講樹之壇旣掃

行宮停輦致享靈祠舊宅捫碑式瞻古殿徘徊乎萬  
仞陟降於兩楹三獻告終六樂具舉智源溢涌文  
檜龍葱集四氏以加

恩進諸生而講藝爰揮

睿藻丕煥

宸章懸針垂露之書綴玉編珠之句雲霞標舉星日昭  
垂加以錦綺紫裘綠函朱額

恩施至渥

賜賚有差至乃撤羽蓋之九旂留諸

殿寢損太倉之萬廩捐彼田租肅將公旦之祠徧秩  
羣賢之祀事有曠而特舉典無鉅而不修且夫褒  
揚至道洪業也崇禮先師上儀也

萬乘屈尊盛節也四方觀化極治也於以媿軌蹟於羲  
農臻憲度於韶夏含齒戴髮渾淳乎禮樂之中反  
踵貫胸匝洽乎詩書之澤榮號顯名遐不懿哉臣  
甫頌周之情謹拜手稽首而獻頌曰

防陰祥發泗水源分天垂黃玉神降丹文荒塗典



籍漆室丘墳誰開霽霧實揭星雲大野窮麟幽宮  
走兔堂闕金絲坑銷竹素燼滅江陵波沉底柱五  
厄頻遭六經非故非無顯德亦有乾封祥符駐蹕  
建武臨雍三犧備具六樂春容治非極軌禮故殊  
逢道以人弘聖由天授於樂

熙朝洪惟我

后驪栗扶輪羲軒把袖樂御德車禮耕仁耨羹牆至道  
夢寐微言登山卑垤觀海知源時

臨經席屢

幸橋門

皇情紆眷

聖意逾敦總攬前規旁參故禮議合容臺斷由

綈几推策仲冬披圖甲子秩於岱宗旋

臨闕里葳蕤豹尾颯沓龍旂千乘欲野萬騎斷流山

寒樹直天濶雲稠言停

翠蓋涖止華軒檜徑晨除杏壇夙設壁水鱗紋玉堦

昉截趨蹌五氏森羅十哲祝史詞敝司筵籩潔爰

觀綴兆乃奏和寧循牆彌肅薦俎惟馨昔讀其書

今陟其庭淵源一氣登假無形俯仰松楸徘徊棖

桷展敬封塋還披講幄孝先便便充宗嶽嶽同異



相參精微互駁煌煌

典誥爛爛

奎章銀鈞飛動玉軸琳瑯鳳觀虎卧鵲顧鸞翔輝流翠

拱麗溢縹緗惟茲羽葆實陳鹵簿

顧謂司儀留諸

殿廡有續皆挾有粟斯雨

恩先四姓膏流萬戶大禮備矣

皇曰旋歸雲迴黼帳風捲朱旂瞻言繡壤昔有衮衣蘋

蘩

遣告靈爽斯依欽我

聖德巍乎鬱律義峰造天智源盪日登三爲四襲六而

七小臣作頌摛諸石室











嚳生儒環聽覩裔屬共趨陪濟濟橋門盛雍雍講  
席恢經從

三殿賜篇自五雲栽奎壁聯東序蛟螭盡上台賡颺  
金檢秘捧護赤虹來遺宅施

黃幄深林掃碧苔榮真逾宋蹕光欲滌秦灰曠典人  
咸仰儒風道已該愈知宗孔孟孰敢望伊萊幸值  
唐虞際摘毫愧乏材

大駕幸魯恭紀

禮部右侍郎兼翰林院侍讀學士臣王颺昌

漢帝尊師日軒皇問道年榮光洙水上佳氣稷門  
前祀典千秋盛宮縣六代全

鸞回東岱後地接魯宮偏釋奠新停

蹕橫經舊講筵香登山果熟馨薦澗毛鮮湛露流  
奠鼎文明列豆籩楷枯蒼蘚坼檜老鐵鱗卷宗廟宮  
牆富丘陵日月懸神明來陟降

帝意慎周旋拜手音容接齋心禮數虔兩楹同肅穆萬  
舞共躡躡宅兆無荆棘堂基有管絃深林羣鳥避



遺壁古書傳

鳳旆明朝旭龍旂動遠天

宸章紛藻績

御墨吐風烟遺愛官宗子推

恩賜墓田微言非有諦妙契已忘詮

至治通三極同文徧八埏崇儒邁今古史館待斯編

大駕幸闕里賦 有序

兵部右侍郎 臣張英

皇帝御極二十有三載重熙累洽區宇乂安文德覃敷

聲教肆訖乃稽古時邁肇事岱宗謁祠闕里典禮

崇重恩澤優深臣庶懽欣遠邇嘉歎夫元和盛年

咸平昌世僅奏六代之樂修再拜之文猶垂式簡

編流輝今古詎有遠

御六龍親誦

萬乘展隆儀於稽拜施殊敬於儒先

聖德顯隆如今日者焉洵足以超軼往牒焜耀前紀也



臣幸際昌時得瞻鉅典雖固陋謏劣不足以發揮鴻藻然珥筆承明職茲紀載頌揚休媿敢曠司存謹拜手稽首而獻賦曰

於爍惟

皇繼序纂光本仁祖義昭憲考章奠玉衡於神軸握金鏡於天閭調四氣以通正歛八風而協祥於是西踰細柳東跨扶桑交河北徼比景南鄉靡不丹梯走傳碧海浮航輸琛太府隸名職方耀幽遐以日月襲鱗介而衣裳越萬里以入贄重九譯而來王是以化洽太和道隆邃古納九垓之管籥總堪輿

之扁戶參天地之清寧儷貞明之作觀文軌合而謠俗同跂喙恬而草木庶軼埃壒而苞混茫駕羲軒而凌三五

天子乃高拱垂裳中央運斗容與義林優游書牖探珠淵之秘筌陟玉山之高阜德蕩蕩以無名治熙熙而何有既則冲然永念穆然深思曰儀象肇啓道法昭垂寔明寔熾惟君惟師羣聖一揆六經同歸王澤下竭頌聲式微孕星鈐于上瑞錫麟紱于昌期毓龍蹲之至德挺鳳峙之殊姿集大成于千古開絕學于來茲溯乎鄉之懿躅景闕里之崇規庶



幾哉聞見可接羹牆在斯舉時巡之墜典秩釋奠  
之隆儀爾乃乘大輅控金鑣牽翠羽捎文虹屬車  
按節繁吹鳴笛七萃鱗附千官景從馳道則五里  
十里旌門則一重再重集於泗水之上幸於尼山  
之宮斯時也清羽司音初陽應律葭管煙霏芸房  
露茁氣不慄以時寒序將周而朔易撫景物之澄  
鮮攬風雲之明瑟旌旂捲而廣野回春

帳殿開而暮山凝色遂乃肇舉吉祀肅奉精禋春卿  
贊采祠官眡牲朱火西蘊元酒東陳嘉籩廣豆豐  
粢潔盛振羽籥之六舞合成英之九成薦祝號之

明信導神絃之降迎穆穆

宸容靡靡天緯殊禮展謁隆文錫賚覲靈爽之長存儼  
哲人之如在感神契以潛孚體道真而昭對洋洋  
乎僣僣乎與珠庭月角授受於千載之間玉節金  
鏗酬答於一堂之內也威儀告竣禮度有嚴登堂  
入輿規周矩還瞻聖里之吼啤憩廣庭之靜便布  
兩楹以翼聳峙雙闕以星懸藉杏壇之修蔭挹璧  
池之素漣偃息於道德之府溯泳於圖書之淵於  
是芝蓋重葩龍旂曲柄貴儼一人尊侔萬乘述素  
王之嘉贊發五言之



睿詠海嶽遜其高深星雲竝其輝映斯則

聖天子蘊道之淳風崇儒之殊敬也簪纓陪位衿佩圍  
橋長裾霧會仙組雲影始橫經以讐問旋拊石而  
吹匏誦遺言於姬孔沐雅化於唐姚禮讓之容咸  
近光于黎獻豈弟之澤庶作人于譽髦斯則

聖天子風聲之四訖文治之丕昭也曲阜名區魯原舊  
聚陪敦土田復除繇賦增講肄之常員沛匪頒之  
異數推恩則徧及師儒錫爵則旁流支庶五經博  
士不遺凡蔣之封九命上公奚啻褒成之胙斯則  
聖天子崇德之盛心興賢之弘務也於是采甸侯衛公

卿大夫期門式道執戟荷戈文學掌故之士垂髫  
戴白之徒縱觀典禮踰濟天衢涵濡化澤屬厭道  
腴旣雀躍而抃舞亦鳧藻而歡愉萬人一口聲滿  
公車惟我

后之東巡修百王之令式答珍貺于三靈聽衢謠于百  
室却瓊檢以勿祈屏銀繩而詎飾騶從清嚴儀文  
簡質吏不譏訶民無供億協時正律埒虞氏之省  
方納賈陳詩儷姬王之述職旣陟山以哀對還翁  
河而問俗採哲陽之舊歌睎榮光之新燭朝宗滙  
江漢之波玉帛奉塗山之籙非漢日之奉菱乃堯



年之刻玉若乃慶惠殷流湛

恩四周給租賜帛省刑釋囚虛衷

清問博延廣諏如天光之下霽亦露濃之上浮始汪濊

於五土旋齋淪於九州今又茂明至道導揚正學

虎炳龍章金追玉琢浴我以詩書弘我以禮樂盛

德登闕大猷輝卓幘六合而被英蕤鼓八紘而排

氛濁誠振古之隆規開天之偉畧也

天子方且回輿京室倚佩軒墀道岸先陟德契自持庀

政考業基命勅幾辨色以臨

黼展視夜而啓彤帷定仁義中正之極稽因革損益

之宜不解冰淵之念彌勤鞞鐸之思所以泰階順

軌乾筴迎禧上理隆洽茂化雍熙治方侔於砥屬

俗已進於循蜚四海壽康恬於鶉居之代萬年鼎

祚鞏於鰲極之儀







聖朝多異數分獻

命儒臣拜聽臚傳唱儀從秩典新緬維麟紱裔直紹鯉  
庭親弓冶成家語鳶魚味道真他年私淑士此日  
裸將人一貫傳猶在中階道不湮樽彝昭往代琬  
琰列貞珉蝌蚪先秦碣絃歌舊魯民寶書貽複壁  
霜檜歷千春道統川無息王風地少垠羹牆知黽  
勉于籥豈逡巡徹俎隨

鸞輅紅霞映

紫宸

駕幸

聖林扈從恭紀

玉輅南巡海岳還崆峒問道在尼山朱琴瑤瑟傳

天語古檜靈著識

聖顏禮器齊陳雙廡下麟書獨出五雲間自慙章句微  
臣職手抱遺經綴鷺班







奎章尼山絕業今重振文教從茲沛萬方

其三

臨雍釋菜史曾誇闕里難逢駐

翠華堂做金絲時進講水環洙泗早停車楷林共識千

年樹文草親攀五色花尙有永和書法在獨存遺

澤聖人家

其四

奎文閣下立移時歷代尊崇百世師真覺風雲流

灌莽長懸象緯照壇墀紋呈蝌蚪庭留檜瑞叶河

圖墓有著無限穹碑標綠字豈如

御筆獨題詩











草不積澤水以昏厥亦不泐於燠  
 並八音備樂業奉泰斯逾言其地土田茂德于  
 誠萬祖武文則水草奏效孰敢正日焚焚于國  
 至聖  
 天心副  
 萬  
 茲赫於不泐正身誠遠聖德出於無量  
 幸容恭服

皇帝釋奠於闕里頌 有序

內閣學士兼禮部侍郎 臣 彭孫適

臣聞三才懋建作極者惟皇六位時成亶聰者惟  
 后故有禮樂刑政以為宰世之權有中正仁義以  
 為綏猷之準自河洛苞符以後暨帝皇禪繼之年  
 莫不兼作君師總司治教龍章觀象即開道法之  
 宗鳳展當陽迭啓見聞之緒皇皇乎郁郁乎斯無  
 得而喻也周德既衰典章攸斁夏正歸藏之學溯  
 二代而無徵緝熙執競之心歷數傳而寢晦於是  
 玉麟授簡洩天瑞於素王珠緯儲精吐靈徵於元



聖秉覺民之木鐸握定世之珍符繫易象而作春秋刪詩書而正禮樂王事備天德明軌則咸昭彝倫式敘蓋九皇之軌躅獨萃平鄉七聖之源流同歸泗水矣兩楹告夢諸子雜興正學衰微羣言淆亂非無英君誼辟恢大業於方新學士大夫探微言於將墜而道風猶鬱治化未醇然則代閱千年緒分百氏而欲六五帝四三王闡虬圖攬鳳德使景星慶靄暉麗於中天玉節金聲鏗鉤於終古自非  
內國學士兼直學士  
 聖人而在

天子之位其道無由也

皇帝纂述丕基撫定方域聰明睿智質直於生知文武

聖神德全乎廣運天策內攄而八紘風動威弧外

指而六合雲行黼幄澄懷則

宸鏡徹圖書之蘊彤泥發檢則

奎章摘日月之華縕瑟而協氣同流垂裳而兆人自理

大猷升矣皇風穆焉然後憑軾南巡結旌東邁

躬臨闕里謁祀尼山詘

萬乘之尊修嚴師之敬威儀允秩典禮有加

睿藻鋪宣大文炳煜褒衣博帶之士踴躍而趨風瞻雲



就日之民吞嗟而觀化臣以謏劣備職禁林邁會  
休明宜有宣述茲又欽承

諭旨校對

幸魯盛典一書竊以爲

皇帝德化媿於唐虞道統承於洙泗以聖合聖以心契  
心鴻章鉅典洵簡冊所希聞而古今之僅覲也敬  
拜手稽首而獻頌曰

璇樞啓泰瓊筴迎長三階有謚七曜重光丹堊集  
陛紫茵生房道洽政治洪惟

聖皇上繪下締左干右羽薈萃禮園翱翔書府衢室採

風明堂稽古萬彙順成百昌蕃庶至仁普濩淳化  
龐鴻受球冀北鳴

鸞充東泛瀛絜廣踐嶽侔崇謁祠

宣聖展禮滋共乃戒乃儆乃洗乃盥廣樂在懸黃流  
在瓚薦號几筵登歌絃管俎豆之容愉愉衍衍越  
若邃古儀象初垂以治以教作君作師羲軒首出  
勲華代推禹湯文武羣聖同規嶽嶽尼山洋洋泗  
水祖述先型憲章往軌斯理未泯百世以俟道統  
攸歸在今

天子河珍剖韞洛寶開鍵道貺靜契德符動宣光闡經



術寵賁儒先聲漸教被民陶物甄貞觀者天貞明者日炳炳

皇猷巍巍

聖德臣厠禁廬丹鉛是職稽首頌颺式示無極

*[Faint bleed-through text from the reverse side of the page]*

皇帝親祠闕里雅一篇 有引

內閣學士兼禮部侍郎 臣 李振裕

岱宗尊聖也

皇上文德武烈震揚域外海隅晏安民有禮樂絃誦之習蒸蒸嚮風迺循覽謠俗還過闕里以太牢祀孔子禮儀致敬賚予有加詠歌其事而作詩以賦也

其一

皇朝岱宗巖巖遐邇具瞻登封受命

上帝是監維嶽降神篤生

尼父大道昭明炳焉終古



其二 皇時清繼天立極累洽重熙與民休息苞葉旣除干戈

永戢偃武修文風行四國

其三 歲維甲子曆起上元

翠華南指旌軒雲屯肆觀東后百辟駿奔頽臨日觀旁  
矚天門

其四 泰山之陽曲阜之宅

萬乘回鑾里門是式奕奕本支恭迎  
清蹕下輦升堂祀典攸秩

其五 軒縣鞀矣樂具奏矣尊罍旣陳饗醴侑矣俎孔碩  
矣

天子獻之豆孔庶矣  
天子薦之

其六 祝史有辭我

皇黼藻日萬世師揭此顯號華蓋九旂于飾于廟姬公



孟子亦越奠告

其七

皇曰噫嘻相子肆祀濟濟臣工莘莘胄子布席橫經披

天子陳奧旨園橋肅聽

粹容有喜

其八

皇陟泉林厥流孔滂

皇撫檜文厥枝孔虬憩之植之曰惟

尼父

皇心愉愉爰紀爰賦

其九

帝恩優渥零露灑灑流根潤葉受祉無疆匪日賚之孔

氏之光斯文丕顯邦家之慶

其十

泗水湯湯孔林蒼蒼文草靈著

輦路之旁樵蘇有禁舊不踰頃今也廓之數兼常等

其十一

奎畫有煒垂象神宮取彼琬琰是琢是礪豐碑百尺峯

律大東歷年億萬與岱比崇

其十二



維山有岱維天有漢

皇德是峻

帝文是煥大道彰矣治化翔矣日月星辰慶重光矣

幸魯盛典卷二十二終

幸魯盛典卷二十三

聖駕幸魯恭紀一首

遷日講官直翰林院學士兼禮部侍郎教習庶堂 李光地

燔柴升岱嘯舍菜戾宗祊獻愷方於泮升中告厥

成巾車陳

法駕大馭俶行旌望望采風意遲遲問俗程徒遵時

邁迹那有登封名嶽瀆公侯貴山河帶礪盟懷柔

均載德設險竟銷兵日擊波臣順深懷禹績宏遂

臨牛女次還稅虎龍城禮致鍾陵重心忘磬折輕

朔風吹返旆白露湛寒英訪道思方切崇儒意獨



誠宅仍生所里堂儼夢時楹入廟申芹薦隆賢肅  
鼎烹師存則禮拜

帝用作歌聲泝統休公旦嗣音喟孟卿豐碑齊屹立巨  
榜繼高擎先後被明典存亡感至精恭惟

天子學實共聖賢并枯植紆

皇豫泉源啓

睿情人如根不朽天與水俱行微義昭雲漢貞珉列瑰  
瓊章懸萬象仰貺動百神迎匪獨斯文煥時當大

道亨

聖駕幸魯恭紀二十韻

都察院協理院事左副都御史臣鄭重

魚海嵌弓日龜山植壁年雲旗千仗出

行殿八風宣肆覲來虞牧封泥陋漢編明堂開左个

洙水溯長川景運文昌耀儒宗

帝德全宮牆瞻數仞俎豆接羣賢警蹕

鑾輿降威儀

玉步虔百王尊莫尚九頓禮無前魯殿施

宸幄奎文肅講筵翼經雙夾轂闢異獨乘權撫檜文仍  
在披圖貌儼然何來雲煥棟知是筆如椽鄒魯連



山近顏曾列座先景行光後裔

欽命永承乾大野初回輅深宮更麗篇碑當霄漢上氣  
入斗牛邊聖嗣開弘館羣才彙廣淵臣鄰叨侍從  
詞賦邁甘泉統向中天接文從墜地傳

作君師亦備王道頌平平

聖駕幸魯恭頌二十韻

巡撫河南都察院右副都御史

臣王日藻

虞后時巡日周王于邁年聲靈彌宇宙文教訖垓

東埏迺

命崆峒駕言探洙泗淵山河齊十二禮樂魯三千問俗

情常切崇儒志更虔式閭弭絳節入室撫朱絃髣

髴儀型邁依稀響籟連

宸衷虛受廣道岸誕登先真已窺堂奧寧惟飭豆籩捫

碑頻徙倚

駐蹕自纏綿檜老摩挲久槐疎芟憩便攀條思手植



懷古契心傳典秩攸隆矣褒嘉孔亟焉

天章揮楔額

御墨灑雲烟

賜出瑤函麗懸來鐵畫妍尼峯增氣象璧水益澄鮮

師表千秋重威儀萬祀沿微臣留汴洛職守在旬

宣載述

東巡禮欲颺

南幸篇欣瞻

五輅近賡拜

六龍前

皇上臨幸闕里恭紀

巡撫山東都察院右副都御史

臣張鵬

發軔乘農隙觀風動

帝咨受釐登岱後秉籙渡河時連舳旋吳榜鳴葭拂魯

颺

六飛臻闕里羣祀首

宣尼宅卽恭王舊都仍少昊遺彤雲大庭庫璧玉頰

宮池五父衢猶昔千官仗屢移到門紆

玉趾清蹕展緹帷古檜晴捎閣香芸晝滿墀駿奔鷓結

侶羽葆鳳銜蕤廣樂三終曲鴻臚九拜儀酒甘周



拒卣俎實漢鷄彝釋奠加殊禮升階重釋思擘窠  
芝勝字晨露杏壇詩肅肅懸車在亭亭

御蓋垂講堂陳几席書壁靜金絲大學探精義乾行  
闡繫辭治平原有術道德本無岐俞騎郊垆外前  
旌洙泗潛流波橋宛轉宰木徑逶迤璜瘞封中土  
檀交冢上枝淺溝希伏兔勁草識苞著駐罕邀

宸顧承

恩拓兆基柞枌彌鬱鬱羊虎任纍纍更下蠲租

詔均沾濺澤施尊儒情允洽咸秩典攸宜復

勅容臺議重新文憲祠洪支頒世祿博士補經師紀事

增僉載連篇集庶司回

鑿敷

睿藻伐石輦豐碑守土微臣忝周廬禁馬隨射曾觀矍

相履幸拭鍾離棟宇誠先務經營敢後期姬公庭

孔碩孟子廟兼治丹雘舒民力青霄答

主知褒崇逢盛際汗簡著隆規



皇帝臨幸闕里恭紀排律二十韻

太常寺卿臣胡昇猷

鉅典邦之重時巡世所崇陽回先照乘

駕動早呼嵩春入行幃曉雲隨玉趾東他山總培塿喬

嶽自穹隆疊巘鸞旂轉遙天海日紅獨臨千仞上

高矚九霄中旋鼓江淮棹還諮河濟工川原敷

睿藻草木被和風歷覽周民瘼廻看望魯宮冠裳咸肅

穆俎豆倍豐融雅志追遺鐸虛懷屈

聖躬登堂鳴石篋入室撫絲桐鳳德歌如昨麟書道未

窮君師萬古合先後一源通碑勒成蚪蚪詩成落



蟬竦橫經詮妙旨講義愜

宸衷人拜簪纓美家承雨露洪從知敦禮樂絕勝訪崆

峒洙泗心傳契要荒文治同赫然聲教訖百代啓

顯蒙

*[Faint bleed-through text from the reverse side of the page]*

扈從

聖駕幸闕里祀

先師恭紀

光

祿

寺

卿

臣閻興邦

羽林仙仗擁橋門萬姓嵩呼識

至尊洙水儒宗流有派杏壇經術語歸根

臨軒自昔求賢切

降輦須知爲道存曲蓋千秋逢異數長教祀典竝乾

坤



聖駕幸魯恭紀二律  
 都察院協理院事左僉都御史臣徐誥武  
 藹藹千官擁  
 至尊雝雝  
 玉輅發端門右文  
 聖德惟天授  
 幸魯虛懷為道存香繞八鸞浮瑞靄霞連三觀湧朝暉  
 駿奔終事逾嚴肅肸蠁遙通靜不喧  
 其二  
 宮牆數仞望森森

聖駕幸魯恭紀二律  
 都察院協理院事左僉都御史臣徐誥武  
 藹藹千官擁  
 至尊雝雝  
 玉輅發端門右文  
 聖德惟天授  
 幸魯虛懷為道存香繞八鸞浮瑞靄霞連三觀湧朝暉  
 駿奔終事逾嚴肅肸蠁遙通靜不喧  
 其二  
 宮牆數仞望森森



鳳輦遙過意自深

至德後先同作聖

執中今古獨傳心一時芹藻披甘雨四壁金絲起

玉音俯仰遺徽真儼在杏壇風日細泉吟

聖駕東巡幸闕里頌

有序

日講官起居注詹事府少詹事兼翰林院侍講學士 臣歸允肅

聖駕東巡幸闕里頌

有序

日講官起居注詹事府少詹事兼翰林院侍講學士 臣歸允肅

稽古帝王拓迹建統宅中圖大奉天地之紀協神

人之靈湛恩鴻龐福中外厥有亘古未耀之典

大道積而逾光鴻儀鬱其有待擴然一振舉之以

扶植人心震動耳目真覺世之標準君師之極軌

也我

皇上下武基命紹文開績德威遐暢覃及四表凡孽臣

違拒么麼保聚背恩干紀者皆相繼剪除窮山阻

海負險介恃之衆無不弭首帖服歸命恐後至仁



洋溢潤漑穹壤燭龍若木之鄉條支織皮之旅皆  
重九譯而獻圖王會而至跛行喙息權豫順動域  
丙太和園草之風滋康衢之謠作  
天子猶穆然興思卹卹乎憂蒸生之未遂求所以加惠  
乎窮簷爰

命禮官修舊章遵時巡肆覲之制

渙汗德音肆赦蠲責問民疾苦

賜所過田租燔柴岱宗黜七十二君矯誣之陋歷視

江淮慰億兆民其咨之願

戒侈靡之習俗獎廉善之吏治明試以功車服以  
庸以至夏社殷墟竝令飭治

曠澤焉雷雨之施溥矣灌溉之利博矣爾廼屬車清塵  
廻

鑿魯郊遂輳尼山升闕里之堂下拜登獻肇舉備禮  
歷觀車服禮器周旋庭廡俛仰墟墓慨然曰淵哉  
邈乎千聖之道術百王之治法畢萃於茲

予一人敢不加虔遂進四氏學徒執經講藝諮悉同異  
稱制臨決如永平故事仙葩九旂曲莖承芝留貯  
乎闕庭爲萬代景仰



親灑宸翰輝禁額金薤玉書炳耀琳琅回雲漢之章宣  
圖書之蘊揚抃風徽潤飾道輿龍文琬琰光於不  
朽復蠲賦贍田培護松楸遂其繁衍諸在引擢之  
列者令早試民社各展其所學賚予優洽獎勸諄  
至煌煌哉崇儒之

鉅典振古爍今矣昔漢高過魯太牢致祀侈爲四百  
年王業唐宋之君躬奠再拜親製像贊竝事燬一  
時况乎擷道德之要闡洙泗之精表章

至聖如此其隆重者哉若夫褒姬公之裔聿崇廟貌  
烝嘗世守榱桷几筵觀聽一新是又所以隆配天

之絕業報制作之成功發皇幽渺亘千禩而未有  
聞者也臣職在珥筆不揆固陋稍攄萬一雖不  
足以颺

熙朝之盛事耀孔壁之文彩使微眇姓氏得附

大典之末實不世之榮遇也敬作頌曰

蕩蕩由庚底民之生誕作聖兮式我

皇度聿往求寧日躋敬兮峩峩岱宗以表魯邦靈所鍾

兮揚揚龍旂

親展盛儀道則充兮我

皇于邁拊循萬方哀時對兮拜奠泮雝令德善教秩有



位兮日星麗天斯文後先丕光顯兮布濩衍溢錫  
之球璧彰懋典兮龜蒙肇祀聿秉周禮芬晻夢兮  
大澤之博暨江及淮胥滂霈兮軌躅所至莫不埏  
埴福攸同兮

*[Faint bleed-through text from the reverse side of the page]*

聖駕臨幸闕里恭頌二十韻 有序

日講官起居注詹事府少詹事兼翰林院侍講學士 臣 翁叔元

臣聞麟紱玉書之瑞德毓水精龍文金檢之符道  
高山嶽魯都遺殿繡柱雲楣泗上靈祠朱棖碧瓦  
漢元帝褒成之詔邑八百家宋太祖展享之文門  
十六戟雕篋玉豆自古攸崇竹管匏笙於今爲烈  
我

皇上通乾象之靈協坤輿之德誕膺

景命際會昌期七政旣調羅九賓之玉帛百神允洽舞  
六代之咸韶埋蒼璧以告成功肅碧壇而虔薦祀



于時詳徵月令博採明堂用循甲子之期  
翠輿東狩方值仲冬之月玉琯南浮駐  
萬乘之旌門裁九華之

帳殿爰修秬鬯是致苾芬五衢入不壤之宮光餘丹  
甕兩觀撫重生之檜陰滿璧池乃

命樂官按鈞天之奏舞干籥之儀金砌鳳簫間朱絲之  
疏越銅槃龍羃陳翠俎之馨香講藝霞帷捫碑蘚  
徑寒煙射圃舊井猶存暮草書堂故臺不廢擘花  
牋之綵賦

賜文綺之錦裘

丹詔一封戶邀蠲稅綠綈萬卷家承賜書遂使昌平亭  
下山花拂香

輦之傍安樂里中林草映春旗之上

詣孔阡而醜酒識藏珠埋玉之鄉祠周廟而陳詞過

巢鳳棲鸞之閣臣叔元濫名詞翰備位辟雍觀盛

事於文明蠡筵竊愧擬小言而弇陋梗槩微陳

海內承平日神京扼建瓴山河鍾瑞氣珪玉協英

靈禮樂昭三代文章炳六經乾符膺

大位皇極繫

明廷釋棗歌脩德銷戈識緩刑芙蓉通



月殿翡翠做雲屏  
玉詔頒巡狩

金輿出禁庭千門仙仗動萬騎綵旂停畫扇裝珠彩香  
鞵飾翠翎文裘輕雪犯錦袞曉煙零瑤策探遺篋  
雕輪過野垌碧霞明月嶺白草繡江亭孔竇靈祠  
迴防山古樹冥費標承紫闥棖桷隱朱樞龍勺涵  
椒液雷尊闕桂醮牲牢憑致享黍稷薦維馨煙折  
荒碑綠苔延古甃青緇帷瞻氣象繡袞覩儀形  
宸藻蒐東壁  
天書降北溟四門驚妙筆翰墨動微星

恭和

聖製甲子冬至幸闕里詩

翰林院侍讀學士臣沈上墉

洙泗開儒業千秋尚肯堂若非觀孔壁誰復憶堯  
牆車服形聲近詩書曆數長見聞俱有託

天子正垂裳







王佩

同大君徐元外君民遊

星氣臨其平日日欲其中微支那動地高雲表之

然其意象微仰去幽靈泰山高雲游龍木氣表

陽皇邑起朝人千宮龍華氣運新宮聖地

是時幸會帝車臨孟冬皇卦新濟世寶為聖聖聖

君昔我東應二月正奇宗

翰林劉君瑞聖士

并明甄如法

聖製幸會聖製

恭和

聖製甲子冬至幸闕里詩

日講官起居注翰林院侍讀學士 臣高士奇

百里分圭地千秋習禮堂

聖人猶止輦庸賤得循牆簋豆陳儀備笙鼓入奏長崇

文脩曠典刪述佐垂裳







盛代寵光縫掖總同分

宣章燕玉雲門翠味風波

即乘流學斷式刻書路

其二

微寶輝煌

聖躬深淵離珠日呈外

大觀既前卦赫肅休合

難時宮殿不百餘新

日授官法以善餘林

新書萬世誦矣四宇

扈從

駕幸孔林恭紀百韻

日講官起居注翰林院侍讀學士 高士奇

禮樂雍容日車書順應年兩儀輝碧落萬緯聚珠

躔治洽苞符啓

心勤警蹕宣燔柴青帝右釋菜素王前遣祀

封陋往編樽卣犧象設篋簋鼓鐘懸念典多弘獎

齋誠更潔蠲廻鑣辭檜殿結軫度松阡罄折諸儒

凜趨蹌庶尹虔圭門紆錦轡石表拂華旃境迴神

爰宅功高報迺專網緼元氣毓翁闢太和全灌木



千章蔭穹碑百氏鑄迢迢循寶瑀肅肅繚周塤陟  
降方顛若低回倍優然峯巒交體勢水澤互盤旋  
野向奎婁指山看鳧嶧連面離文炳蔚吞異脈纏  
綿虹影迎洙跨雲岡擁泗眠羣靈咸萃矣至道永  
藏焉異兆留黃玉新禋鬱紫煙蟲魚蟠篆古劍笏  
卓跌堅翠密層霄翳蒼深老幹崦探著占大易捫  
楷憶名賢壇位星辰燦階基雨露鮮荆榛從不擾  
禽鳥亦知遷四顧規模豁千秋統緒延思堂開別  
寢射圃望遙屢觀以誅奸葺衢因殯母傳蜿蜒環  
舊蹟森錯接重枿壟畔班昭穆垣端列後先墓廬

茅尚覆享室燎長燃帶礪傳家久絲綸錫祉駢瞻  
崇逾袞冕撫玩及栝菴况值溫初轉欣逢景最妍  
晴霞籠

瑞輦細靄簇仙駟地籟參差發天香縹緲聯謹恭生  
近衛儼恪逮中涓鳳德寰區外

龍顏咫尺邊精微原合撰造化偶分權慕想  
宸襟切褒揚

睿照淵聖蹤常皜皜王道適平平廣運禎祥集洪鈞品  
類甄殊疆通羽籥薄海靜戈鋌動植皆繁暢陰陽  
少伏愆三才民紀立五教學宮詮喜邁



鸞聲噦俄停鶴蓋圓橫經喧曳踵負耒競摩肩勸激  
增縫掖光榮被縵絃雷歡童叟沸雀舞巷塗填粵  
昔供芹藻嘗聞執豆籩隆稱雖屢進故事但相沿  
漢創陳牢制唐餘薦醴筵宋亭苔已蝕元碣草徒  
芊曲阜云憑軾遺墟幾控鞭真邀

恩數渥獨識

眷懷偏肇迹源鄒魯垂型亘幅員殷宗存續述姬轍挽  
迤邐吾黨誰能贊斯人詎忍捐攬綬遵率土振鐸  
引蒙泉篤信刪修敏詢疑應對便微詞明賞罰善  
誘取狂猥浩瀚滄瀛際巍峩泰岱顛護呵侷社稷

悠久竝坤乾慨自淳風邈滋爲雜說穿老莊談未  
息楊墨焰隨煎寂滅求迦葉清虛訪偃佺紛岐爭  
欲逞習俗苦難俊正誼於今揭頽流一旦湔仰鑽  
勞寤寐矜式徧咳挺小子居蓬華髫齡託槩鉛考  
衷言寡要窮理慮空研畧涉笙簧苑粗耘筆硯田  
審觀牆甚短甘守戶終鍵志本簞瓢樂情兼釣弋  
牽衣冠何樸鄙揖讓每拘孿且謂南棲越安期北  
走燕織鱗纒泐泳鴛足遽騰騫受祿懷新秩凝紳  
改舊氈成均曾肄業

講幄又堂銓午給池頭鱸宵擎禁裏蓮珥彤當繡柱



繡帙侍花甄淺測慙操蠡庸才遜選錢漫摹壺汁  
 字時擘衍波箋竊歎身縻爵良由士佩璫服膺倦  
 几席秉訓比韋絃既夾雙螭案還陪八駿羈輪蹄  
 偕絡繹罕畢觀飄翩河濟銀髮騎江淮畫鷁船猗  
 歟林廟邇暫此去來遄徙倚臨城闕踟躕眺桷榑  
 飛軒楹赫赫邃宇谷谿谿器得稽彝鼎銘猶記粥  
 餽附塵奚啻壤歸壑頗如川遇

主茲堪幸親師夙有緣儒頑希就準愚賤敢忘筌

彩仗寒郊綯

璿題傑構摹洵哉敦誦法非直寄遊畋語似依梁翼鳴

同抱樹蟬未工虞監句差擬李丞篇



幸闕里賦

幸闕里賦 有序

日講官起居注翰林院侍讀學士 臣高士奇

隆古之世作君作師理同事壹三代以還君師之  
統分矣夫祖述堯舜憲章文武聖人之學本師帝  
王貴貴賢賢彼此迭尚君師之理何嘗不同條共  
貫哉漢自高祖迨於建武永平元和延光之世唐  
則乾封開元宋則大中祥符皆降萬乘之尊折節  
韋布議者謂或儉於德或歉於時元明遣官祭告  
修舉具文而已

上以底定之餘緝熙勤學詩書之澤蒸於穹壤乃復



躬祀闕里昭茲隆軌今古希邁儒生幸焉臣以陋劣珥

筆從

六轡之後獲觀

盛典使闕而不書無以昭我

皇上右文之治臣滋愧矣爰拜手稽首而作賦曰

歲紀闕逢月臨黃鐘三辰協極四野告豐勞農息  
力索蜡報功暄將廻乎春谷霜不殺乎寒叢

天子旣飛旆於江淮之表旋軫於濟河之封顧瞻魯邑  
畢然其宮伊素王之舊宅接青帝之崇墉森亘峙  
兮南北錯相瞰兮西東爰乃翥翠鳳翼蒼龍遵修

陸景遐踪絡繹乎其奔會者若趨蹌之亞亞疾徐  
乎其進止者若俎豆之雍雍詎探奇於响嘍類問  
道於崆峒時則風伯斂颺雨師收霖碧蘚承輪丹  
楓蔭輓日華於林霞綺於陌天地爲之而澄宇山  
川因之而絢色折衝伏飛之旅執戈而荷戈出警  
入蹕之臣吟鞭而頌策畢罕遙舒簫笳競集目泝  
兮洙泗之靈源心游兮金絲之奧室褒成之後夾  
畫軒以拱立四氏之徒羅芳徑以通籍結羽葆兮  
開重闔導鳴鸞兮入聖域陋叔孫之禮儀嗤諸儒  
之故實啓帳殿以齋居進行帷而盱食於是乎籌



人戒旦裘人視明祝人潔幣宰人刑牲苾芬兮秬  
鬯匡敕兮粢盛將車服兮在望卽履絢兮畢呈焜  
煌兮碧鬢灼爍乎朱楹藹藹乎三檜之植赫赫乎  
七璧之銘歷階而進焉矩步而行焉盥洗以致乃  
敬焉釋奠以告乃成焉其禮器則有山雷象勺籩  
實銅羹合蕭揚燎髣髴兮神明其樂舞則有朱干  
玉戚鼗鼓匏笙登歌間詠洋溢兮韶英

上乃紆睿慮之乾乾湛宸容之穆穆九流仰鏡萬古欽  
躅銀鈎鐵畫揭藻彩於日星珠榜璇題聳嶒屹於  
寥廓交窗之楹霧爭霏對雷之簷暉欲落肅寢周

廊重樞鬪桷仰兮如翬俯兮若啄畫徐徐兮杏壇  
夕曖曖兮松幄迴二氣之慘舒駐千年之晦朔言  
憩乎詩禮之堂載升乎奎文之閣几策并陳絃誦  
可作莫不開龍顏之一霽嘆鳳德之猶昨旣徘徊  
以容與復諏謀而詢度迨於緩琴轡迴玉軫坐講  
堂聯席尹念儒林之繁會矧聖里之標準詔子弟  
以修鼓篋之儀儼膠庠而播道鐸之警韋編竝啓  
壁書無隱闡大義兮方昭續微言兮未泯琅琅兮  
天語若鐘鏞之初叩壘壘兮經生若函丈之羣請  
周旋中規進退惟謹若夫嶧山之傍尼山之畛望



五老之峯而廻車訪坤靈之洞而結鞞或起或伏  
或遠或近撫往蹟以留連覲遺徽於夢寢於是乎  
出自北門瞻彼中林想衣冠於馬鬣之道數封植  
於兔溝之潯岱撤壤以培其厚海飛沫以環其深  
氣阡阡而奕奕景鬱鬱而沉沉其石則有龜趺距  
丈麟碣摩尋翁仲秉笏華表棲禽其木則有文楷  
攢繡蒼柏接陰櫬檀布戟枌柞抽簪繚樊垣以爲  
衛戒採拾而靡侵荆不芟兮自剪草皆茁兮成琛  
恍精誠之有格式憑眺之常欽伊神符而道合斯  
豁目而暢心是日也異風匝地解澤彌天屯膏勿

壅渙號勤宣旣省耕而省斂亦議恤而議蠲帝王  
之轍迴矣聖人之澤存焉爰及苗裔世守土田戶  
復於籍丁免於厘攬謠俗兮周知乎疾苦歷郡縣  
兮弗改乎貿遷懸寬租於令甲戒索賦於窮壤更  
乃收白虎之幡樹金雞之竿振鷓鷯之武騰蒼赤  
之歡照耀兮廣輪之曦旭霑濡兮率土之垓埏蕩  
蕩乎德乃至巍巍乎功始全粵稽一元肇分三才  
爰立上下定位尊卑別秩惟馭世之弘綱與覺民  
之懿蹟理竝符乎幬載數相嬗乎翁闢緬古皇圖  
咸崇儒術或創緒於兵戈或蒙安於宗祏或希心



於汰侈或邀譽於潤色縱陟降之在庭未炳蔚乎  
史冊伊

昭代之授籙兮踵禹範與羲畫維我

皇之疑祉兮絜堯樽與舜瑟綜性道而煥文章兮建君

師之極則

幸魯盛典卷二十三終

幸魯盛典卷二十四

皇帝幸魯恭紀十六韻

日講官起居注翰林院侍講學士臣孟亮揆

宗風百代尊東魯闕里堂高

萬乘躋泗水波瀾無別派尼山草木自成蹊

聖朝幸際同文盛師表親勞

當宁題乍報雲霄雙仗下旋看俎豆兩楹齊馨香咫尺

神能格舞佾雍容典備稽濟濟儒官分奠筆熒熒

燎火勝然犀色凝

帝袞山龍麗光燭天門日月低還



御講筵披載籍直從性學剖端倪六經與竅資探索一  
畫精微賴唱提

清蹕再移奎閣上

翠華重駐杏壇西鼎彝三代名偏古蝌蚪千秋字不

迷車服宛如陳琬琰宮牆真欲拂虹霓菁葱樹引

儀庭鳳翥鳳碑傳挾石猊華蓋留時多紫氣黃封

開處燦金泥輝煌

賜錦從天降廻合祥烟滿袖攜釋奠禮成超往躅誕

敷文德徧羣黎

恭逢

車駕幸闕里述

聖政雅有序

日講官起居注翰林院侍講學士臣顧 沂

伏讀詩大小雅見周文武成康之盛維時德政涵

濡教化翔洽朝廷清明重譯賓服天子端拱穆清

之上公卿百職事奮庸於下亦罔不有史臣簪筆

執簡發揚徽美夫如是故成周之治遠而益彰久

而彌光至今望之若太和在宇宙間是以述君臣

燕饗則有桑扈魚藻述徒御蒐狩則有車攻吉日



述安集勞民則有鴻雁黍苗述董正治官則有崧  
高烝民韓奕當時誦之奕世傳之聲光絢赫垂於  
無窮以雅詩存焉故也伏觀

皇上御極二紀之中

聖德神功夙絕千古嘉謨仁政美不勝書邇者運際上  
元時逢景慶六府修三事治乃猶兢兢業業慮醇  
化之未遠屆而兆民之未盡阜成也遂

允禮臣之請倣古巡省之儀於是

駕玉輅揚清塵不煩警蹕不費芻茭川嶽爲之壯采  
草木爲之風生至於岱宗祇祓齋宮登壇奠獻金

石迭奏柴燎升中凝神遐覽精誠通格蓋唐虞氏  
之所以巡方岳也

幸闕里祀孔林禮嚴九拜法垂千禩留曲蓋以示虔  
懸書額以表敬彰教乎鄒魯之邦加恩於聖賢之  
裔此漢祖唐宗之所以崇道統而未逮也歷郡縣  
省謠俗飭官方恤老幼攸徂之民環謳聚舞萬姓  
縱觀千里如堵播深仁於鍾山之陵蠲租課於經  
歷之邑蓋三代令辟之所以厚民德也然後禮備  
樂和福輳祥集廻

玉鸞於上都告成事於



清廟煌煌乎真

熙朝之鉅典而

高代之盛節矣然而大雅不作是簪筆執簡之臣之

責也臣誠不敏竊附侍從之列仰贊

鴻猷稱述駿業臣之職也謹撰述

聖政雅二篇雖不敢上希穆公吉甫之流登歌廟堂聲

叶律呂亦庶幾對揚

休命有以佐

皇運之昌明俾耿光大烈垂示於永永無極耳其辭曰

維彼東山五嶽之伯天帝之孫羣靈之宅

皇子時邁考厥故實誕報昊天為民祈福

雲旂揚揚鸞輅鏘鏘時

乘六龍以

幸異方車轂夾路虎旅前行村落不擾城市依常

翠華涖止祀事孔備因高崇天就廣增地燔柴告虔

以遵古制乾符坤珍雲合雨澍

陟彼萬仞小視寰區東西朔南周覽無餘天門日

觀瑤牒寶書

玉趾飛舉從臣咸趨

宸翰揮灑曰惟雲峯建亭巉巖百代信崇神祇肸蠁清



明在躬禎符萃集慶成報功  
維彼東山文獻之源鳧嶧嶧嶧响洙泗潺湲瞻彼  
宣聖道貫乾坤如日經天萬古長存

廟貌巍巍輝煌闕里我

皇至止特隆典禮麟書彷彿檜樹有鞞載瞻丹壁絲竹  
在耳

猗與孔林楷木森森我

皇至止典禮式欽爰擴兆域致敬達誠惟聖作極惟  
皇樹型

施及四氏聖賢後昆邁茲曠典濺澤惟均

皇命多士講席橫經授爲博士稽古之榮

燦燦華蓋赭質金瑤煌煌

天章萬世師表賁鼓大鏞明堂璧沼遙遙道統  
欽承匪渺

東山十章章八句

南風之薰曲奏虞琴阜財解慍式溥德音誰其嗣  
之

皇仁至深軫念葑屋千載一心

大江之南其水湯湯五湖巨浸澤國水鄉淮黃合  
注泛濫莫當海口旣理田廬混茫



清蹕躬臨在河之滸顧瞻金隄景仰神禹爰

命相視大工具舉苟利民生不惜積貯

厥田下下禹貢恒經賦甲天下後世倍增越至有

明重賦厲民江右旣蠲江左猶存

嗟此江左

國之外府民命攸關公帑攸聚

皇其念之湛恩誕溥於萬斯年受天之祐

帝念民依稼穡艱難崇實務本乃克又安吳俗奢靡傷

農之根移風易俗允賴旬宣

潔廉爲體經濟爲用牖民有方淳樸風動凡百在

位

天語日誦比戶盈寧聿修職貢

宮庭節儉惜費露臺化行侯甸民德歸懷田疇日闢

邦本益培民氣樂康六符泰階

登彼鍾山詣奠故陵圮垣凋木有軫

皇心毋俾樵牧春秋潔禋皇哉盛舉史冊流聲

以勵民俗以飭官常虞廷輯瑞周禮省方旣洽古

典告至建章永清四海駿惠無疆

南薰十章章八句



南宮十尊奉入時  
 聖駕幸闕里頌  
 有序  
 國子監祭酒曹承  
 皇帝御極之二十有三年泰階既平八風時協德洋恩  
 溥休氣翔洽羣臣推數上元甲子以為貞符運會  
 苞維叶契允宜封巒勒成傳示無極  
 皇帝謙讓稽虞典巡狩禮循省風俗與兆民相見以冬  
 十一月臻乎泰山禮成  
 清問下民及於江淮蠲逋賜復靡隱弗燭老稚嵩呼  
 聲麟天地先是  
 命禮臣定幸魯儀制既上復籌度於

聖駕幸闕里頌 有序

國子監祭酒曹承

皇帝御極之二十有三年泰階既平八風時協德洋恩

溥休氣翔洽羣臣推數上元甲子以為貞符運會

苞維叶契允宜封巒勒成傳示無極

皇帝謙讓稽虞典巡狩禮循省風俗與兆民相見以冬

十一月臻乎泰山禮成

清問下民及於江淮蠲逋賜復靡隱弗燭老稚嵩呼

聲麟天地先是

命禮臣定幸魯儀制既上復籌度於



聖心典禮加崇軌物具備於是紆山谷歷險阻過周元

公廟

命親藩特祀抵闕里致齋帳殿瞻謁宮牆恭行九拜禮

樂舞畢陳奠獻加敬是日也日轉一陽星聯五緯

黃雲如幕榮光燭天

皇帝御講堂進四氏子弟說經於庭管絃鐘鼓依然見

杏壇當日之風遂

命復孔氏田租賜諸弟子爵賚予有差

聖情優渥復灑

宸翰懸書殿檜著檜賦留

九旂曲蓋為車服禮器之光榮既乃

詣孔林醴酒隧道徘徊仰止不忍去焉臣聞道開於

天傳於帝王必聖人而在天子位者以心法相授

受故道統所歸即治統所歸三代以後皇綱中絕

篤生聖人窮不得位闡微言繼絕學集先聖之大

成以開後聖蓋遙遙三千餘歲始遇我

皇上乘玉衡握金鏡履中蹈和優入聖域孜孜典學默

契心傳接古帝之道統開中天之至治原本承先

啓後之功不勝重道尊師之念敷天之下同然一

辭頌我



聖主聖不自聖紹宗淵源文教之訖亦克與永自昔帝  
王有事泰山因而幸魯其心未必與之不同然一  
先聖親切相承禮儀疎濶名焉而已從未有精意綢  
繆情文篤摯如我  
皇上者也洵乎邁汾水之遊軼崆峒之駕皇建有極爲  
億世作則者也臣幸際休明職慙文學竊不自揆  
爰獻頌曰  
天眷  
皇德肇起隆平有蠻勿共距陽翹萌  
帝布聖武滌濯廓清川嶽呈瑞河圖器車堂陛肅穆雍

容雅魚婉婉赤子以涵以濡載稽典禮乃駕八騶  
省耕省斂一豫一遊臻乎泰山對天之休繩檢踰  
侈七十二君

帝爲民出復古疇倫惟虞暨周以時四巡朱紱麟角吐  
書鄴鄉長夜有耀毓我素王鬱葱山林輪奐構堂  
天子至尊降拜其師

帝敬在德羹牆覲之陋彼漢宋夸大史辭經自壁顯壁  
以銘昭一揆同符曠世是遭

聖以紹聖音徽匪遙元公經緯洙泗折衷廟貌赫觀甫  
柏徠松徧秩羣儒賜書褒崇懿茲盛典振古未逢



民有懿秉士有範模

天子于邁流澤則那德化順成扶觀載途君舉則書後  
世之則道扇八區化被四極萬有千歲永言無斁

天子聖德

有德惟新

帝德如山

外士十二

齊魯

齊魯

幸魯頌 有序

左春坊左庶子掌坊事兼翰林院侍讀 臣周 弘

皇帝御極之二十有三年海內乂安黎元樂育年穀熟  
衍符貺委臻廷臣上言自古帝王靡不嶽狩由三  
代降茲禮弗陳欽惟

皇上神聖文武治化極天蟠地宜倣虞周省方觀牧  
天子然之令具儀注依古舉行既又謂

先師孔子教垂無極宜  
躬往致敬巡行典禮莫此為重冬十一月

駕幸山東特詣曲阜假於孔林釋奠陟講堂觀車服



禮器

命孔氏諸生說書

行殿園橋觀聽濟濟洋洋者老嘆嗟庶士興勵

天子慨然思維至德

御書萬世師表以識景仰又製詩及賦用紀厥盛乃沛德音孔氏子孫與執事者

賜官賞賚有差已復允衍聖公孔毓圻請

詔選文學士纂誌盛典垂不朽臣弘伏在草土竊聞忭

舞逾年赴

闕道歷青齊所至草野小民額手懽呼咏歌

盛德入

朝以來備悉儀制伏念古者巡狩惟是考校度程廉問疾苦崇儒重道之文缺然未詳其有右文令主表章絕學又或高拱深宮時巡弗舉臨雍視學祇在京圻不克親詣聖里肇稱祀事我

皇上聖學宏深心契精一時敏孜孜緝熙罔間故能斟酌古禮丕顯文教

法駕肅臨崇極儀軌振古未有臣弘職隸史館義得推揚

鴻業宣示臣庶不揆寡陋伏竭悃忱乃載拜稽首而



獻頌曰

維

皇受命神威遐暨靡壞不歸靡德不被聲教誕敷鴻文

斯賁廼

勅廷臣修明古制 一章

維古今辟代隆巡狩神祖道塞曠不復邁遙遙千

載事忘其舊維

皇稽古前猷允茂 二章

恢恢

皇度翼翼

帝容六龍時御至於岱宗顧瞻闕里聖教攸崇駕言往

臨和鸞雝雝 三章

有鬱其林有翼其廟我

皇戾止敬將昭報威儀孔嘉萬邦式效聖裔稽首臣宗

有耀 四章

帝曰來前予崇乃先其帥乃宗遺言是宣諸生揖讓舊

德儼然陳篋執經輝分璧躔 五章

俎豆在旁詩書在列多士欽承

帝心嘉悅灑翰揮毫雲飛電掣炳蔚其文光於前哲 六章

章



瞻彼庭中嘉樹森森黛色霜皮歲月孔深維

皇作賦式昭德音麗藻雲章永表泮林

多士傾風

皇心未已解澤旁流異風習起推仁遺胄榮施閭里臣

職何堪

君恩厚矣

八章

殷禮既具寵光既燦萬邦有慶歌呼踴躍勉為忠

孝毋為浮薄我

后儀型于焉昭灼

九章

聖有微言我

皇彰之聖有孫子我

皇揚之聖教丕新閑之匡之維古今辟曷其尚之

十章

於維駿業古莫云觀其始自今宜昭示後載編載

輯揚輝宇宙王道平平垂為法守

十一章

眇茲小臣珥筆振纓感遇昌時願言獻誠奕奕顯

猷厥徽難名恭陳鄙辭用播休聲

十二章



精誠最難得此則備極其難於  
 此意小且莊重誠難知故曰孤  
 神聖誠中而王百平垂高其  
 故辨別業青莫之屬其故自今  
 聖德之聖德不濫聞之國之  
 聖德之聖德不濫聞之國之

聖駕幸魯釋奠

先師恭紀

日講官起居注右春坊右庶子兼翰林院侍講加二級 臣 高 裔

曠代逢

真主千秋慰

素王省方因展祀望道遂升堂百辟衣冠肅三辰旌  
 旆揚東山瞻企遠泗水溯洄長典禮稽宗伯威儀  
 凜太常至誠親盥薦惟德有馨香歆自居天上靈  
 宜格帝傍垂旒如在座入室見於牆老檜承  
 天語貞珉勒



御章

高文懸日月大雅振宮商實乃敷天慶非徒後嗣光  
冊書傳罔極德美孰能燭

御章  
高文懸日月大雅振宮商實乃敷天慶非徒後嗣光  
冊書傳罔極德美孰能燭

上幸闕里記

大理寺左少卿臣許三禮

康熙二十有三年甲子遇易之乾溯軒黃製干支  
前蓋歷九百六十年者五之終六之始也子輿氏  
所謂千歲日至十五曆元求可坐致者蓋實指是  
考唐開元十二年乾甲子至二十七年為先師封  
王之始從西牖正南面位迄今康熙二十六年建  
表先師碑亦九百六十餘年非偶然也又考乾道  
壬辰宋先賢朱熹做聖經作綱目年計今歲在丁  
卯殆五百歲有奇



御書學達性天扁額於宋六賢周張二程邵朱書院亦  
儒學明晦之一驗也天生

聖人應運而起使吾道昌明在此時矣讀碑文首曰道  
原於天弘之者聖上自伏羲一畫虞廷一中孔門  
一貫皆不出此二言夫原天之心者何好生是也  
好生仁也

先師上承羲堯下與顏曾諸賢終日講求無非此志  
此物且指明萬世儒者曰存誠曰主敬曰窮理曰  
致知以至尊德性也道問學也又原頭在是道岸  
亦在是豈非四千年所未發之旨盡開明于今日

耶況作君作師其道無兩我

皇上以天有四府聖有四府之訓昭示諸臣乃知贊剛  
作定六經者上備元亨利貞之天德中集皇帝王  
霸之治統下包生長收藏天下萬世之民物又不  
止以易書詩春秋禮樂六經法天而已也所以俎  
豆億萬斯年未艾者至今日愈著總之我

皇上之尊聖也旌賢也崇儒也皆所以明道於前古後  
今也九百六十年甲子又乾之際會天道於此再  
中聖學於此重光

幸魯一舉其所關豈淺鮮哉臣未得侍扈從之班與珥



筆諸臣載颺盛事惟考運會適符之數而記之若  
此

今此北百六十學即... 聖皇

聖駕幸闕里恭頌二律

光祿寺少卿臣李仙根

天直聰明協素王斯文寤寐見宮牆卽看

玉輅臨洙水已闢榛蕪到講堂撫柱蛟龍爭煥彩陳

書蝌蚪自飄香遙知登降千秋契夢奠宗予啓

聖皇

其二

若堂若斧正峩峩

駐蹕高亭取次過檻外神著先應瑞林中文鳥總能

歌勝衣子弟陪



行幄應調農桑放正科誦法是人含至性

皇恩聖澤更如何

詩經卷之五卷六

北二

聖皇

昔微服自處香殿映金碧千林代為真宗千載

正襟湖石水山四散燕雀驚林列黃牛幾深荒

天寶如四顧素王漢文澤滌其宮殿酒香

水

寂

香

山

帆

李

聖駕幸魯恭紀十韻

聖駕幸魯恭紀十韻

兵部督捕左理事官臣王承祖

聖主乘乾御

宸修集大成省方先輯瑞旋

蹕遂東行宅里懷芳躅羹牆動

聖情儒官陳俎豆古樂備韶讌殿廡親瞻拜橋門羨寵

榮

璇題輝路寢芝蓋錫金莖

輦道巡遊關雲亭

駐蹕名翠珉鐫



寶翰碧瓦麗朱甍

帝典隆親祀臣歌喜載賡奎婁增彩耀萬世仰文明

聖駕幸闕里釋奠

先師恭賦

兵部督捕左理事官臣陳肇昌

省方遵禹迹

訪道見堯牆不惜崆峒拜爰登洙泗堂

君師原一德冠劍儼分行環沼排

仙仗升歌備樂章諸生殷禮服博士駿趨踰彷彿見商

楹夢重開孔壁藏金絲如可聽鳳鳥若爲翔斗上

飛黃玉壇邊拂石床餘霞流古檜灰劫耀靈光文

物輝齊魯聲名陋漢唐千秋懸日月六籍總笙簧



幸際崇儒盛雕蟲愧頌揚

...

...

...

...

...

...

...

...

...

聖駕幸闕里恭紀五十韻

通政使司左叅議臣勞之辨

伊姚誰繼軌我

后集休隆謨烈

三朝備車書萬國同垂裳恢

聖德輯瑞協神功泰運元初會文明日正中辰居常奠

北時邁首巡東農隙乘

鸞輅

宸遊駕玉驄川原敷白露羽蓋拂丹楓欲覽寰區大爰

凌岱頂穹登封雲鬣翬望海旭曛曩淮甸諮民隱



句吳繪土風隨刊成績遠襟帶大河雄畫舸浮輕  
鷁金隄落彩虹

回鑾由汝泗

駐蹕近龜蒙麟鳳人何在羹牆願久通升堂誠感格  
釋菜禮優崇犧象羅彝器衣冠拜闕宮羽干陳八  
佾靴磬奏三終遺像追圖畫家傳問冶弓六經抒  
壺奧萬象剖鴻濛

仗自鈞陳撤碑從

御府礮

奎章文炳耀金榜字玲瓏

入廟思靈爽

瞻林美鬱葱幽禽聲宛宛嘉卉茁芄芄老檜留孤幹  
苞著發故叢三遷開亞聖九罭溯元公似水分江  
漢如山列華嵩馨香偕薦几榘栒竝鳩工廢墜多  
修舉規模盡折衷龍螭朝日麗丹碧晚霞烘道統  
如薪得心傳似雪融貂狐榮聖胄金綺逮成童  
賜爵恩逾渥蠲租澤更豐環橋盈博士扶杖走村翁  
宿衛周廬帳從官載筆筩典方成望秩詩欲賦車  
攻謏劣居卿貳疎庸忝詰戎才原慚繡虎學祇類  
雕蟲盛事光前後



鴻文啓贖龔求賢符渭水問道嗣崆峒咸五登三頌徽  
臣敢効忠

臣等竊惟  
 聖朝盛典  
 鴻文啓贖龔  
 求賢符渭水  
 問道嗣崆峒  
 咸五登三頌  
 徽臣敢効忠  
 臣等竊惟  
 聖朝盛典  
 鴻文啓贖龔  
 求賢符渭水  
 問道嗣崆峒  
 咸五登三頌  
 徽臣敢効忠

聖駕幸闕里恭頌八十韻

日講官起居注翰林院侍講臣王 掞

周室兵初衅虞階羽正麾武功宣赫濯文治洽恬

熙清問

宸遊豫虛懷

聖德撫云亭非舊典洙泗飾隆儀省斂推恩日燔柴肆

觀時東行勤訪道北面切尊師魯甸郊原古尼山

述作垂宮牆猶儼在仰止豈阿私爰指奎婁野言

遵濟汶涯五雲依劔佩七曜傍旌旗沂水蒼驪轉

防山



翠輦移堵牆扶耄耄就日有童兒扈

蹕雄虹繞迎

鑾繡紱馳天香生旭采地籟息輕颺闕里初承

幸斯文實在茲羹牆心夙契宗廟美今窺典禮因時

重趨承爲道卑尊嚴勞

袞冕肅穆拜壇墀

御酒聞陳藻

天衣見攝齊山河親準角堯禹覲鬚眉門想麟書吐庭

懷鯉訓貽登堂儼詩禮入室恍金絲鼓篋章縫列

談經講席施班聯圍豹尾

黼座設臯比几研雲文拭韋編竹素披儀容瞻道子車

服問鍾離琴磬仍歌詠尊壘舊戲嬉兩朝存琰竿

六代備咸池漆簡蟲魚誤丹書識緯疑臨觀深嚮

往每事費

諏諮刪述絃歌地烝嘗俎豆祠檜身文鴛蠹杏幹石

壇歆緬想春風舞摩挲手澤遺下垂無復葉左紐

尚餘枝鬢相循遺圃靈光指故基高門森截臬舊

井碧漣漪蒼鬱佳城近蒼茫后土治鳥禽翔羽葆

荆棘避華轍展謁重鋪繡馨香更酌卮地靈鍾異

木幽贊挺神著結構曩賢慕躋攀昔代思蹕亭花



寂歷輦路草葳蕤白石埋秦冢蒼苔蝕漢碑  
停輿還繾綣駐馬重嗟咨攬蹟登臨勝懷風倚眺遲

茆芹還戾止小大畢追隨曲蓋分

仙仗朱絃進絳帷

皇情忻欵洽

御墨灑淋漓四韻藏元氣千言發衆詞留傳方雅頌什

襲比宗彝

寵賚驚稠疊

殊恩邁等差土田宗子錫貂錦上公宜講義宣弘正光

榮過孔僖彈冠何綽約結綬竝逶迤

賜復優仁里蠲租助潔粢汪波均四氏異數及諸姬

更許貞珉勒兼承

睿藻摘殷盤支可削史籀拙堪嗤琢玉蒼崖古撻金

紫殿奇負來知鼯鼠捧至必蚪螭木鐸聲逾振秋陽

道未萎

龍章方日煥鳳德詎云衰陋矣巡瑤水荒哉訪具茨苞

符逢泰運元會叶昌期周孔心源接羲軒道法追

薪傳無熄火鐵引恰歸磁先後應同揆尊行卽見

知三千開禮樂十六紹微危河海流方永

高深德正裨一中惟大寶半部是元龜堂奧今真到



藩籬豈暫闕乾封羞執弭建武避交綏長夜渾如  
 旦中天共仰曦微言增皜皜至治益丕丕仁義腴  
 生色詩書味淡肌名家祛雜霸異學杜淫詖望斗  
 光彌燦占兵氣益墮駕車閒駮駟脫劍散熊羆未  
 得隨

彫仗徒然握兔錐右文歌盛事載筆效陳詩

甲子冬

上幸闕里釋奠恭紀二律

左春坊左諭德兼翰林院修撰 臣 閻世繩

吾

皇重道先文治釋奠新從闕里還數仞宮牆環泗水雙  
 懸日月照尼山生徒攜策聞 喜常臨  
 天語父老扶筇望  
 聖顏仙檜當年曾手植幾經風雨尚爛斑

其二

登堂禮器垂



清問

玉輅親過洙水橋墓上蒼抽先後節林中楷發短長

條纂修盛舉誇前史給復

殊恩詠

聖朝世際昇平逢甲子年年玉燭喜常調

香

香

上幸闕里釋奠恭紀二十韻

甲子冬

甲子冬

甲子冬

上幸闕里釋奠恭紀二十韻

右春坊右諭德兼翰林院修撰<sub>臣</sub>李 鎰

泗水流真氣尼山蘊化工由來修俎豆未有動昭

融甲子符昌運時巡邁古風特紆

元后駕親謁素王宮龍角攜杓北

鑿輿出震東

翠旂松檜外

丹宸畫圖中卽次千官列升堂萬舞同肅雍稱盛禮

齊邀秉清衷果見羹牆接仍聞肸蠁通



睿文垂景曜

宸翰麗高穹

講幄親開帙園橋盡發朦統承軒昊遠典視漢唐崇

過墓還瞻仰披林更鬱葱石壇留勝蹟著草擢寒

叢鳳德歌猶在麟書道不窮六經探魯壁七聖溯

姬公展事祠官領傳祧博士克三階光炳煜八表

澤履洪神貺無疆曆天開不世功微臣慙珥筆拜

三手頌熙隆

幸魯盛典

卷二十四終



